

# Արցախի Ազգային Խորհուրդը ՄԱԿ-ի Ապահովութեան Խորհուրդէն Զինեալ Ուժեր Կը Պահանջէ

Օգոստոս 16ին Արցախի Ազգային Խորհուրդէն ընտրուած Նախագահութիւնը ՄԱԿի Ապահովութեան Խորհուրդին յղած է դիմում մը, պահանջելով որ զօրքեր ուղարկուին պաշտպանելու համար ազերիներու կողմէ վտանգուած Մարզին բնակչութեան կեանքը: Դիմումը, լոյս տեսած է Արցախի պաշտօնաթերթ «Խորհրային Ղարաբաղ»ի Սեպտեմբերի համարին մէջ: Որոշումը առնուած է 4 Սեպտեմբերին:

Երկրամասի 80 տոկոսը կազմող հայ բնակչութեան լիազօր ներկայացուցիչների կողմից ընտրուած Լեռնային Ղարաբաղի Ազգային Խորհուրդի Նախագահութիւնը ՄԱԿի Անվտանգութեան Խորհուրդին է դիմում Ղարաբաղի հայ բնակչութեան ապահովմանը օժանդակելու խնդրանքով:

ՄԱԿի Գլխաւոր Ասամբլեային 1948 թուականի Դեկտեմբերի 10ի Դեկլարացիայի 7րդ յօդուածի համաձայն, իրաքանչիւր մարդ ունի ազատու-

թիւնների իրաւունքներ, իրաքանչիւր մարդ եւ նրա ընտանիքի բոլոր անդամները չեն կարող ենթարկուել ոչ մի խտրականութեան. իրաքանչիւր մարդ ունի իր երկրի տարածքում ազատօրէն տեղաշարժուելու իրաւունք. ՄԱԿի Դեկլարացիան միշտ էլ խրախուսուել է Ղարաբաղում. Իսկ այսօր արդէն խօսք է գնում հայ բնակչութեան հանդէպ ֆիզիքական նաշունչարդարի ուժայ սպառնալիքի մասին:

Հնչում են Սումկայիթեան ցեղասպանութիւնը կրկնելու կոչեր, որոնք պաշտպանութիւն են գտնում Ատրպէճանական Հանրապետութեան պաշտօնական շրջանակների կողմից: Երկար ամիսներ է, ինչ փոքրիկ, հարիւրչիսուն հազար-նոց քրիստոնէական Մարզը գտնում է ամենադաժան պաշարման պայմաններում, կանոնաւոր կերպով կատարում են սպանութիւնները, բռնութիւններ, իրականացում է արմատական բնակչութեան դեպորտացիա:

Չնայած ամենաբարձր իսկտանցիականերով (թախանձ, պանամօ) չղուած բազմաթիւ դիմումներին, մեր երկրի դեկաւարութիւնը ռեզիոնի (շրջանի) բնակչութեան անվտանգութիւնը երաշխաւորող վճռական միջոցների չի ձեռնարկում:

Այսօր դիմում ենք ձեզ համար պահանջելով՝ ամէն ինչ անել Ղարաբաղի հայ բնակչութեան անվտանգութեան համար, անհրաժեշտութեան դէպքում՝ ընդհուպ մինչեւ ՄԱԿի զօրքերի կոնտինգենտ (զինեալ ուժեր) մտցնելը: Վաղը կարող է ուշ լինել: